

PÓ-LÔ KIÀ HŌ· THÊ-TO Ê PHOE (56)

1 Siōng-tè ê lô·pòk, Iâ-so· Ki-tok ê sù-tô· Pó-lô, ùi-tiòh Siōng-tè keng-soán ê peh-siⁿ ê sìn, kap beh hō· in bat keng-khiân ê chin-lí, ²tī éng-oán oáh ê òng-bāng, chiū-sī bô pêh-chhát ê Siōng-tè tī éng sè-tāi ê tãi-seng só· èng-ún ê; ³nā-sī kàu kī chiū hián-bēng I ê tō-lí, chiū-sī chiàu lán ê Kiù-chú Siōng-tè ê bēng-lēng só· kau-thok goá thoân ê; ⁴phoe kià hō· Thê-to, chiū-sī chiàu saⁿ-kap ũ ê sìn choè goá chin ê kiáⁿ ê: goān lí tùi Pē Siōng-tè kap lán ê Kiù-chú Ki-tok Iâ-so· tit-tiòh un-tián pēng-an.

⁵Goá lâu lí tī Kek-lí-tí ê iân-kò·, chiū-sī ài lí chiong hiah ê pān bē bēng-pèk ê sū lóng pān kàu cheng-choē, koh chiàu goá só· hoan-hù lí ê, tī ták ê siāⁿ siat-líp tiúⁿ-lò; ⁶nā ũ lāng bô thang hiām, choè chít ê hū-jîn-lāng ê tiōng-hu, kiáⁿ-jī ũ sìn, bô lāng kò in hòng-tōng put-hoat ê, chiaⁿ thang. ⁷In-ūi kam-tok tiòh bô thang hiām, chhin-chhiūⁿ Siōng-tè ê koán-ke, bô chū-sī, bô khoài siū-khì, bô in-ūi chiaⁿ chiú lāi khí sū, bô ài phah lāng, bô tham put-gī ê chíⁿ; ⁸tiòh hó khoán-thāi chhut-goā lāng, ài hó, siú-kí, kong-gī, sèng-kiat, chiat-chè; ⁹kian-kò· siú hit ê chiàu cheng-kàu chin-sít ê tō-lí, hō· i oē ēng toan-chiàⁿ ê kà-sī lāi khoán-bián lāng, koh oē piān-tó hiah ê pok-mng ê lāng.

¹⁰In-ūi ũ choē-choē m̄ sūn-hók ê lāng, chiū-sī kóng phū-phiò ê oē, khi-phiàn lāng ê; siók

kat-lé ê lāng koh khah sī án-ni. ¹¹Chit hō lāng ê chhui tiòh ká i that-bát; in ùi-tiòh put-gī ê chài-lī kà-sī só· m̄ eng-kai kà-sī ê, lāi pāi-hoài lāng ê choân ke. ¹²In tiong-kan chit lāng, chiū-sī in hit chók ê sian-ti, ũ kóng, Kek-lí-tí lāng siōng-siōng kóng pêh-chhát, choè pháiⁿ siú, tham-chiāh, koh pîn-toāⁿ. ¹³Chit ê kan-cheng sī chin-sít; só· í lí tiòh giām-giām chek-pī in, hō· in tùi sìn oē sūn-choân; ¹⁴bô ài thiaⁿ Iū-thài lāng ê bô-iaⁿ oē, kap poē-biū chin-lí ê lāng ê kài-bēng. ¹⁵Chāi chheng-khì ê lāng, bān mih lóng sī chheng-khì; chāi hiah ê ù-oē bô sìn ê lāng, bô chit hāng mih chheng-khì, lian in ê sim-chì kap liōng-sim iā lóng ù-oē. ¹⁶In ka-kī sèng-jīm choè bat Siōng-tè ê, nā-sī tī in ê só· kiāⁿ chiū m̄ jīm I; in sī khó-òⁿ ê, poē-gék ê, tī it-chhè ê hó sū choè put-tiòng-iōng ê.

2 Hiah ê háp tī toan-chiàⁿ ê kà-sī ê, lí tiòh kóng i, ²chiū-sī lâu lāng m̄ thang ài chiaⁿ chiú, tiòh toan-chong, siú-kí, koh tī sìn, tī jîn-ài, tī thun-lún, bô m̄ sūn-choân. ³Lāu hū-jîn-lāng iā tiòh án-ni, hēng-tōng kú-chí tiòh háp tī keng-khiân, bôh-tit húi-pòng, iā bôh-tit choè chiú ê lô·chài, tiòh ēng hó kà-sī lāng; ⁴chiaⁿ thang kàu-tok siàu-liân ê hū-jîn-lāng thiàⁿ in ê tiōng-hu, thiàⁿ in ê kiáⁿ-jī, ⁵siú-kí, cheng-kiat, liāu-lí ke sū, siān-liōng, sūn-hók ka-kī ê tiōng-hu, bián-tit Siōng-tè ê tō-lí siū-tiòh pòng-tók. ⁶Siàu-liân ê ta-po·-lāng,

lí iā tiòh án-ni khng in siú-kí. ⁷Lí hoān sū tiòh ka-kī choè hó só· kiāⁿ ê bô·-iūⁿ; ⁸tī kà-sī tiòh toan-chong bô siâ, giân-gú toan-chiàⁿ, bô thang hiâm, hō· tui-ték ka-kī kiân-siâu, bô tè thang kóng lán ê pháiⁿ. ⁹Khng lô·-pók tiòh sūn-hók in ê chú-lâng, hoān sū hō· in hoaⁿ-hí, bô tú-tak, ¹⁰bô thau-théh, ták hāng tiòh hián-bêng tiong-sìn, hō· in hoān sū êng-kng lán ê Kiù-chú Siōng-tè ê kàu. ¹¹In-ūi Siōng-tè kiù cheng lán ê un í-keng hián-bêng, ¹²kéng-kài lán tiòh khi-sak put-khiân kap chit sè-kan ê su-iók, ēng siú-kí, kong-gī, keng-khiân lâi kè-jit tī chit sè-tāi; ¹³him-bō· hit ê toā hok-khi ê òng-bāng, kap lán chì toā ê Siōng-tè kap Kiù-chú Iâ-so· Ki-tok êng-kng ê hián-hiân. ¹⁴I ūi-tiòh lán hiân ka-kī, beh siók lán thoat-lī it-chhè ê put-hoat; koh ūi-tiòh pún-sin soé-chheng lán choè I ka-kī ê peh-siⁿ, chiū-sī jiát-sim tī chiaⁿ ê hó só· kiāⁿ ê.

¹⁵Chiah ê sū lí tiòh kóng, tiòh khó·-khng, ēng lóng-chóng ê koân lâi chek-pī lán. M̄ thang hō· lán biáu-sī lí.

3 Tiòh hō· lán kì-tit eng-kai hāng-hók pān cheng-sū ê, chiáng-koân ê, lâi sūn-thān i, siōng-siōng piān lâi kiāⁿ ták hāng ê hó sū, ²bô húi-pòng, bô saⁿ-chiⁿ, tiòh un-hô, tui cheng lán hián-bêng ták iūⁿ ê un-jiū. ³In-ūi lán cheng iā sī bū-ti, poē-gék, siū bê-hék, hāng-hók tī pah-paoⁿ ê su-iók kap khoài-lók, oáh tī ok-tók oàn-tò· ê tiong-kan, sī khó·-òⁿ ê, iā tãi-ke saⁿ oàn-hūn. ⁴Nā-sī lán ê Kiù-chú Siōng-tè ê jîn-chū kap I ê thiàⁿ lán hián-bêng ê sī, ⁵I chiū kiù lán, m̄ sī tui tī lán só· kiāⁿ ê gī, sī chiàu I ê lín-bín, tui têng-thâu-siⁿ ê soé kap Sèng Sîn ê oāⁿ-sin, ⁶Sèng Sîn chiū-sī I tui lán ê Kiù-chú Iâ-so· Ki-tok só· toā-toā kàng-lóh tī lán ê; ⁷hō· lán tui I ê un lâi chheng-choè-gī ê, thang chiàu éng-oáh ê

òng-bāng lâi chiāⁿ-choè hō·-sū. ⁸Chit ê oē sī chin-sit; koh lūn chiaⁿ ê sū goá ài lí ngī-ngī kan-cheng i, hō· sìn Siōng-tè ê lán tì-ì choè chiaⁿ ê hó ê sū-giáp. chiaⁿ-ê lóng sī hó, ū lī-ek lán ê. ⁹Chóng-sī lí tiòh siám-pī gōng-gōng ê piān-pok, sè-hē ê tâm-lūn, saⁿ-chiⁿ, kap ūi-tiòh lút-hoat ê cheng-chiàn; in-ūi chiaⁿ-ê sī bô lī-ek, koh khang-khang. ¹⁰Kiat-tóng ê lán, í-keng kéng-kài i chit pái koh chit pái, chiū tiòh kù-chāi i; ¹¹in-ūi chai chit hō lán sī poē-biū, ka-kī gí i ê choē, iū-goân teh hoān.

¹²Gáo chhe A-thê-má á-sī Chhui-ki-kó· khi chhē lí ê sī, lí tiòh tì-ì kàu Ni-ko-pho-líp lâi chhē goá; in-ūi goá í-keng tiāⁿ-tiòh tī hia kè tang-thiⁿ. ¹³Hoat-lút-sū Se-láp kap A-pho-lô, lí tiòh tì-ì ká i sòng-hêng, hō· in bô khiām-kheh. ¹⁴Koh lán chiaⁿ ê lán tiòh hák-sip choè hó ê sū-giáp, lâi pī-pān hiah ê tek-khak tiòh ê só·-hùi, bián-tit bô kiát-sit.

¹⁵Kap goá tī-teh ê lán lóng chheng-an lí. Hoān-nā tī sìn lâi thiàⁿ goán ê lán lí tiòh chheng-an in.

¹⁶Goân un-tián kap lín cheng lán saⁿ-kap tī-teh.